

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiariorvm

Leuren, Peter

Coloniæ Agrippinæ, 1704

598. Quænam beneficia reserventur Papæ in his concordatis.

[urn:nbn:de:hbz:466:1-74485](#)

Questio 598. Quenam beneficia reserventur Pape in concordatis Germania?

1. **R**espondeo: reservantur primò beneficia omnia, quæ reservantur Sedi Apostolica per Extrav. Execrabilis, de qua supra, eique nulla in concordatis Germania adjecta est modificatio. Pirkh. ad tit. de prab. n. 357.

2. Secundò: quæ reservata sunt per Extrav. regimen, quæ etiam verbotenus ipsis concordatis inseruntur. Adjiciuntur tamen eidem Extrav. modificationes seu limitationes sequentes: prima, quod beneficia per munieris consecrationis suspensionem vacantia, quæ reservantur in dicta Extrav. non reserventur in Concordatis. Pirkh. loc. cit. Secunda quod in concordatis reserventur non nisi ea Officialeum Sedis Apostolica beneficia, quæ ipsis, dum actu officiales sunt, & moriuntur, habent; cum tamen per dictam Extrav. reserventur indistinctè omnia eorum beneficia, etiam ab iis obtenta ante adeptum & post dimissum officium. Pirkh. loc. cit. Tertia quod in cit. Extrav. absoluè ponantur Commensales, & quilibet alii Capellani Papæ: in Concordatis vero ponantur officiales quidam certo numero, nimis Vicecancellarius, Camerarius, Notarii, Auditor Literarum contradictarum, Auditores causarum Apostolici palatii, 24. pœnitentiarii Ejusdem Sedis, 25. Abbreviatores, nec non veri Commensales Papæ, & alii 25. Capellani ejusdem Sedis in Epitaphio, hoc est syllabo seu albo Curialium descripti. Quarta quod in Concordatis reserventur Papæ quæcumque beneficia auctoritate literarum Apostolicarum immediatè collata, & imposterum conferenda, præterquam si virtute exspectativa asecutio fiat; in Extrav. autem ad regimen, non habeatur vox illa immediate, ne que sequens illa exceptio, quæ in Concordatis forte ideo adjecta, ne Collatores ordinarii nimis gravarentur, si nequirent beneficia vacantia per pacificam affectionem alterius beneficii incompatibilis vi gratia exspectativa alicui collati, alii liberè conferre. Pirkh. loc. cit.

3. Sic itaque in specie vi concordatorum reservata manent Papa Episcopatus, prælatura vacantes in Curia per obitum Episcopi prælati &c. sive is seculularis, sive regularis sit, & non est locus electioni. Pirkh. loc. cit. num. 359. Item locus electioni non est, sed reservantur liberae dispositioni Papa Episcopatus, prælatura seculares & regulares vacanta per obitum illius, qui factus Cardinalis ea possideret, ubicunque est moriatur. Pirkh. loc. cit. Item Ecclesia Cathedrales, Monasteria, dignitates & beneficia omnia vacantia per depositionem, privationem vel translationem factam auctoritate apostolica. Item dignitates & beneficia omnia, ad quæ quis electus vel postulatus est, dum pollutatio repulsa, vel electio cassata aut renunciata ab electo, admittaque per Sedem Apostolicam. Pirkh. loc. cit. Item dignitates beneficiaque, quæ promoti ad Episcopatum, Monasteriorumve regimen obtinent tempore promotionis factæ per Papam. Denique beneficia omnia vacantia per alterius incompatibili affectionem factam auctoritate apostolicâ; hæc enim omnia reservantur per cit. Extrav. ad regimen, nec cadunt sub dictis limitationibus. Sed & huc spectare, & non esse locum electioni vi Concordatorum, sed manere reservatum Papa Episcopatum Germaniae vacante per resignationem liberam acceptatam à Papa, tradit & probat Pirkh. num. 360.

4. Tertiò semper, seu pro omnibus mensibus reservata manent dignitates majores post pontificales in Cathedralibus, & principales in Collegiis, de quibus Reg. 3. Cancell. reservarique has ipsas dignitates, non obstantibus concordatis Germaniæ, etiamsi ante diem promotionis vel assumptionis ad Episcopatum dimittantur vel resignantur in manus Ordinarii vi regule vigesimali quarta, utpote comprehendentis etiam beneficia Germaniæ, tradit Chok. ad reg. 8. gl. 11. nu. 30. citans pro hoc Casladi. & Creic. Branden. in Concord. Germ. no. 11. qui id decimum refert in una Paderbornensi Prepositura. Martij. & 30. Maij. 1584.

5. Quartò reservata manent beneficia quæcumque vacantia in mensibus Januario, Martio, Mayo, Julio, Septemb., Novemb. de quibus reg. 8. Cancell. adeoque non est, quod Capitula contendant ad se in quovis mense spectare dignitatem inferiorum electivarum (ut sunt scholasteria & similes) quæcumque deinceps nomine veniant, dispositionem; cum negari nequeat, quin ceteræ dignitates omnes & beneficia, etiam electiva, post majores in Cathedralibus, & principales in collegiis comprehendantur sub alternativa concordatorum reservacione, Nicolart. in pr. benef. ex concord. Germ. iii. 1. dub. 1. num. 15. & seq. Brand. ad. ead. Concord. q. 7. Quin & beneficia, in quorum fundatione expresse reservata collatio Ordinarii, in quoquaque mense videntur, nihilominus comprehendendi sub alternativa etiam Concordatorum Germ. ut & reg. Cancella- ria præsertim sicuti jurispat. Ecclesiastici, ita ut, si videntur in mense Apostolico, conserui nequeant ab Ordinario, non obstante dicta fundatione, tenet Nicolart. loc. cit. dub. 4. §. 5. citans pro hoc Paris. de reg. l. 7. q. 14. nu. 3. Gonz. ad reg. 8. gl. 5. num. 42. Piat. in pr. Ep. p. 2. c. 3. a. 5. Wamel. consil. Can. To. 1. consul. 231. num. 7. & cons. 252. nu. 11. & Rotam, eò quod talis conditio fit contra naturam substantialem beneficii, dum Papa ex vi primæ jurisdictionis & potestatis disponendi de beneficiis ei- data à Christo in Petro, est collator supremus & universalis omnium beneficiorum orbis; quia est supremus dispensator bonorum Ecclesiast. & Superiori, seu Ordinarii Episcoporum (quin & vocatur Deus in terris circa beneficia), ut Gonz. §. 1. proem. num. 31. & seq. Wamel. loc. cit. cons. 241. n. 3.) hinc ab illius jurisdictione generali & potestate collativa nullum beneficium eximi potest, utpote quæ nullis legibus aut regulis coarctatur; adeoque, licet quivis sit rerum suarum arbiter & moderator, nemo tamen facere potest, quin iura desuper statuta locum habeant juxta c. requisisti. de testam. ubi: privata dispositio testatoris non potest generali confirmationem canonis immutare. Addit. quod Papa referendo generaliter in regulis Cancell. & concordatis German. derogat omnibus juribus in contrarium, ita ut istiusmodi fundationes nec fieri, aut facta subsistere possint. Nicolart. loc. cit. citans Chok. ad reg. 8. gl. 1. num. 5. Posse nihilominus, non obstantibus Concordatis, etiam in mense pontificio fieri in manus Ordinarii resignationem, eamque ab illo recipi, & beneficia in eorum manibus simpliciter resignata conferri, modo talia sint, quæ hæc in mensibus non reservatis per obitum vacantia spectant ad Ordinariorum collationem, & resignatio illorum speciali jure tunc non sit prohibita, tradere videtur Chok. ad reg. 8. gl. 11. num. 29. & sic expresse tradunt Branden. in Concord. q. 11. num. 13. Nicolart. in praxi benef. ex concord. Germ. 816. l.

tit. i. dub. 9. §. 9. Rationem dant hanc , quod per reservationem Concordatorum non censeatur Papa voluisse conditionem Ordinariorum Germaniae facere duriorem, illisque plus detrahere , quam solent Pontifices aliis Episcopis aliarum provinciarum ; jam verò per reservationes regularum Cancelleriarum, quibus ligantur omnes Ordinarii, Pontifices solent excipere modum vacationis per resignationem, ut exprestè videre est in regula 8. seu mensum, ubi dicitur : *alias quam per resignationem quocunque modo vacatur &c.* quibus verbis reservat sibi Papa beneficia omnia in mensibus alternativis, quocunque modo , & aliter , quam per resignationem vacantia. Atque ita ex identitate rationis etiam vacantia per renunciationem ex causa permutationis, ita, ut quolibet mense possit Episcopus, & quilibet alius Ordinarius conferre beneficia coram se resignata liberè; Item in quolibet mense anni possint permutari beneficia coram Episcopis , & hi admittere resignations ex causa hac permutationis factas , & permutantium cuilibet collationem de beneficio resignato facere , ut Gonz. ad reg. 8. gl. 14. n. 32. & 33. Ac proinde jam non obstat in contrarium , quod resignans juxta communem opinionem habeatur pro mortuo , & mors civilis & quiparetur morti naturali; adeoque sicut Ordinarius in Germania non potest conferre in mensibus Pontificis vacantia per obitum, ita etiam videatur non posse conferre vacantia per mortem civilem, nempe per resignationem ; nam argumentum à simili non procedit , quando in casu proposito dissimilitudo colligitur, ut inter resignantem & mortuum Regula Cancell. reservatoria mensum facit differentiam, & nihil obstat, quod minus eam extendamus ad casus Concordatorum, adeoque tam Ordinarii Germaniae, quam alii iusmodi distinctione juventur. Brand. loc. cit. n. 10. II. 12. juncto num. 16.

Questio 599. Quenam igitur in specie præserventur Collatorum ordinariorum dispositioni, seu in quibus derogetur reservationibus Papalibus per concordata Germania?

Respondeo primò : conceditur seu statuitur, ut in Metropolitanis & Cathedralibus , et iam Sedi Apostolica immediatè non subjectis, & in monasteriis illi immediatè subjectis fiant canonicae electiones , que ad dictam Sedem pro obtainenda confirmatione intra tempus constitutum (nempe per Nicol. III. in c. cupientes. de elect. in 6.) deferrantur, alioquin libera provisio ad eandem Sedem devolvatur. Et si dictæ electiones minus canonicae fuerint, de his per Sedem Apostolicam providebitur , & si canonicae fuerint per Eandem confirmationebuntur, nisi ex rationabili & evidente causa de digniore & utiliore persona ex consilio Cardinalium duxerit providendum. In monasteriis verò dictæ Sedi immediatè non subjectis , & aliis beneficiis regularibus, pro quorum confirmatione seu provisione ad dictam Sedem non solet recurri, electi seu providenti pro confirmatione & provisione ad Curiam Rom. venire non tenebuntur. De monasteriis verò Monialium Eadem Sedes non disponit, nisi sint exempta , & tunc per commissionem ad partes.

2. Secundò conceditur in concordatis , ut de ceteris dignitatibus & beneficis quibuscumq; secularibus & regularibus (exceptis, ut dictum, ma-

P. Leuren. Fori Benef. Tom. II.

toribus dignitatibus post pontificales in Cathedralibus, & principalibus in collegiatis) jure ordinario provideatur in mensibus alternis , nempe Februario, Aprili, Junio, Augusto, Octobri, Decembris per collatores inferiores , ad quos alias eorum collatio seu provisio pertinet , & Papa hanc eorum provisionem per nullam aliam reservationem, gratiam, exspectativam , aut quamvis aliam dispositionem factam vel faciendam impedit. Comprehendi hac alternativā per Concordata concessa præter vacantia per resignationem, de quibus dictum q. præced. vacantia per affectionem secundi incompatibilis, etiam vacantia per privationem, initum matrimonium, ingressum religionis , ad modum alternativæ concessæ per reg. 8. Cancell. cum non videatur esse illius ab hac discrepantia, postquam probabile dixisset Nicolari. in pr. benef. ex concord. Germ. tit. I. dub. I. §. 22. & citasset pro hoc Zerolam in prax. Episc. p. 2. v. alternativa. §. 1. subdit juxta Chok. verisimilis esse, quod beneficia ipso jure vacantia , de quibus Chok. ad reg. 8. gl. 7. à num. 12. sint affecta seu reservata Papæ , ut etiam si vacent in mense ordinario, non possit Ordinarius in Germania vi concordatorum ea conferre, sed solus Papa. Circa hanc alternativam

3. Notandum primò , alternativam hanc longè aliter concedi , quam conceditur in reg. 8. Cancell. siquidē in hac conceditur ea conditionatè, & multis cautelis obnoxia; in concordatis verò simpliciter, & sine ulla restrictione. Zip. Juris pontif. I. 3. tit. de insit. nu. 11. Unde etiam imprudenter facere eos ait, qui cum uti possent alternativā concordatorum, acceptant alternativam reg. 8.

4. Notandum secundò, quod tametsi, dum Papa alias alicui in Germania generali concedit facultatem conferendi beneficia quacunque , vel mandat provideri alicui de quibuscumque beneficiis, in tali generali concessione vel mandato Papæ non censeantur comprehensa beneficia curata ; ea tamen etiam vi concordatorum German. possint ordinarii collatores in his alternis mensibus sibi concessis conferre, non siccus, ac Papa in mensibus suis pontificis, ne alias alternativa illa gratia ex parte Collatorum ordinariorum foret manca , & jus inaequale ad Papam ; cum tamen in concordatis & in compositionibus aequalitas servanda sit inter partes, nisi aliquid specialiter reservetur velexiciatur. Pirk. loc. cit. n. 362. quamvis tamen , ut ibidem Pirk. beneficia curata rariū provideantur, tam per Papam, quam per Ordinarios; eò quod eorum plurima sint iurisp. laicalis , cui per generali concessionem conferendi beneficia non degrogatur.

5. Notandum tertius , quod ait Card. de Luc. de benef. d. 27. n. 22. juxta interpretationem Concordatorum tributam à consuetudine, illa capere etiam beneficia litigiosa ; citat pro hoc prater Robuff. Tond. resol. benef. p. I. c. 29. n. 4. & seq. & p. 3. c. 169. num. 9.

6. Notandum quartò, nequaquam per concessionem in concordatis hanc alternativam impediri Legatum à latere , multoque minus ipsum Papam, quod minus concurrere possit cum Ordinario in dictis 6. mensibus ordinariis Collatoribus per concordata assignatis in collatione beneficiorum ; cum ipse Legatus etiam dicatur Ordinarius in sua provincia, juxta c. 1. de off. leg. & concordata tantum tollant gratias præventivas, nempe exspectativas & reservativas. Pirk. de prob. num. 362, Chok. ad

Z reg. 8.